

## Pyridoxine: Kilen an ri-nañinmej eo bōk/idaak wūnokañ nañinmej in TB

### Ta in Pyridoxine?

Pyridoxine ej āt eo juon etan ōn (Vitamin B6). Jej kōjberbal ōn (Vitamin B6) ñan bōbrae jān an wūno Isoniazid (INH) ak wūnokañ TB ko jet kōmman an mej im kūknañnañ addiin peim im neem jet iien.

### Eļmān aō bōke/idaak wūno in?

- E menin aorōk bwe kwōn idaak wūno in aolep raan ak āinwōt an taktō eo aṃ karōke.
- Mōkaj im kōjjeļaik taktō eo aṃ ñe kwaar kabōjrak aṃ idaak wūno eo liṃōm.
- Ñe kwōjab idaak uno juon iien , idaak ilo iien eo emōkajtata, ak emo bōke ruo alen lo juon wōt iien.
- Kajjioñ bōk wūno eo ilo an ejjeļok kobban lojiem. Ñe ej kaabñōñōik lojiem, bōke ippān ṃōñā.
- Kōkoṃ wūno eo ijo emṃōļoļo im emōrā.
- Kōjparoke jān meram.
- Kōjparoke ak bōbrae wūno in jān ajri ro.
- Keememej im kōjjeļaik taktō eo aṃ kōn wūno ko kwōj idaak ak jabdewōt wūno kāāl ko kwōj jiño idaak.

### Jidik jipañ ñan kilen bōk wūnokañ TB eo liṃōm:

- Bōk wūno ko liṃōm kajojo raan ilo ejja iien eo wōt, waanjoñok:
  - Bōkta jān kiki
  - Ilo jibboñ tata
- Kōjberbal nien wūno eo ñan tarrin juon wiik
- Kōkaļleik kajojo raan ilo calendar eo ālikin aṃ bōk wūno ie